

Sikkim kalakar bharosa sammelan

འབྲས་ལྗོངས་ ཀོ་ལ་ཀར་ བོ་ར་ས་ སོ་མེ་ལོན་ ཀི་ ཐེངས་ གསུམ་པོའི་ ལས་རིམ་ ད་རིང་ སྐང་ཏོག་གི་ manan kendra ན་
འབྲས་ལྗོངས་ གཞུང་གི་ གཙོ་སྤྱི་ ལྷོན་པོ་ prem singh tamang དང་ མིང་གཏམ་ཅན་ actor མཉམ་པོ་ སྤྱི་མཚོག་ ཞབས་ལུ་པོ་ sonu
sood ཀི་ བཀའ་སྲོལ་ལྷོང་པོ་ ཨིན། འབྲས་ལྗོངས་ ཀོ་ལ་ཀར་ བོ་ར་ས་ སོ་མེ་ལོན་ ཀི་ ཐེངས་ གསུམ་པོའི་ མཚུག་བཟུས་ ལས་རིམ་ན་
འབྲས་ལྗོངས་ ཀི་ སྐྱུ་རྩལ་པོ་ ལེགས་སོ་ tribeny rai, jetsun dona lama དང་ girish Pradhan ལོ་ འབྲས་ལྗོངས་ཀི་ སྐྱུ་རྩལ་ དང་
མངའ་ཕྱེད་ རིགས་གཞུང་ན་ འགན་ཚུན་པོ་ སྐྱེལ་པོ་ན་ དང་ འདི་ མཉམ་པོ་ རྒྱལ་ཁབ་ དང་ ཕྱི་རྒྱལ་ ཀི་ ས་ཚ་ འདི་ཚུ་ན་ མངའ་ཕྱེ་གི་
ངོ་ཚབ་ གནང་བོ་ན་ གཟེངས་བསྟོན་ ལུ་པོ་ ཨིན།

Gyalshing

རྒྱལ་ཞིང་ བོ་ར་མེག་ ས་ལུལ་གི་ ཨི་ མར་ཏམ་ན་ གནང་ཡོད་པའི་ ཨ་ཡུས་ ལྷན་ཁང་ དང་ འཕྲོད་བརྟེན་ གཞི་རིམ་ དབུས་ཁང་ PHC
གསར་བཞེངས་དོན་ གསེས་ ཡོད་པའི་ ས་ཚ་གི་ ལྷ་ཚང་ དང་ ཞིབ་འཇུག་ ལྷོང་ཡོད། ས་ལུལ་ འཇུས་མི་ loknath sharma མཚོག་གི་
སྤྱི་གཟེགས་ན་ རྒྱ་ལག་གི་ ས་ཚ་ གཟེགས་སྐོར་ གནང་བོ་ ཨིན། མཐུན་འབྲེལ་ ལས་ལག་གི་ ངོ་ཚབ་ ཚོགས་པོ་གི་ འཕྲོད་བརྟེན་
བཀོད་སྒྲིག་ གསར་བཞེངས་ དོན་ དགོས་ ཡོད་པའི་ རིགས་གསར་ལྗོགས་ འདི་ཚུའི་ ཞིབ་འཇུག་ གནང་བོ་ ཨིན། རང་གི་ ས་ལུལ་ན་
ཨ་ཡུས་ ལྷན་ཁང་ དང་ འཕྲོད་བརྟེན་ གཞི་རིམ་ དབུས་ཁང་ PHC གསར་བཞེངས་ ཐོན་མཁན་ འཚར་གཞི་ ལྷོང་ དགའ་ལུ་
གནང་བཞིན་ ཡུལ་མི་ཚུ་གི་ མངའ་ཕྱེ་ གཞུང་, གཙོ་སྤྱི་ ལྷོན་པོ་ prem singh tamang དང་ ས་ལུལ་ འཇུས་མི་ loknath sharma
ལྷོང་ ལུགས་ཚེ་ བཀའ་དྲིན་ ལུ་པོ་ ཡོད།

Vp visit Sikkim

རྒྱ་གར་ རྒྱལ་ཁབ་གི་ གཙོ་འཛིན་ གཞན་པོ་ C V Radhakrishna ཀི་ རང་གི་ འགན་ བཞེས་པའི་ རྗེས་ ཐོ་རང་ ཚོས་ བཅུ་དྲུག་
ཉེན་ཚེ་ འབྲས་ལྗོངས་ མངའ་ཕྱེ་གི་ རང་གི་ གཟེགས་སྐོར་ དང་པོ་ གནང་ཤད་ ཨིན། གཟེགས་སྐོར་ ལྐབས་ན་ གཙོ་འཛིན་ གཞན་པོ་ ཀི་
སྐང་ཏོག་ན་ འབྲས་ལྗོངས་ རྒྱ་གར་ རྒྱལ་ཁབ་གི་ མངའ་ཕྱེ་ ཐོན་པོའི་ གོ་སྐབས་ན་ འགོ་བཅུག་གོའི་ ལས་རིམ་ན་ འགན་ ལན་པོ་
གནང་ཤད་ ཨིན། ལས་རིམ་ འདི་ན་ ཁོང་ མཉམ་པོ་ འབྲས་ལྗོངས་ཀི་ སྲིད་སྟོན་ མཚོག་, གཙོ་སྤྱི་ ལྷོན་པོ་ མཉམ་པོ་ བྱང་ཤར་ ལྗོགས་
ཡར་རྒྱས་ ལྷོན་པོ་ ཡང་ བྱོན་ཤད་གི་ རེ་བ་ བཞག་ ཡོད།

CM

འབྲས་ལྗོངས་ མངའ་ཕྱེ་གི་ གཙོ་སྤྱི་ ལྷོན་པོ་ prem singh tamang ཀི་ ད་རིང་ གཞུང་འབྲེལ་ ལས་རིམ་ ཅིག་ན་ འགན་ལན་པོའི་དོན་
མེ་ཏོག་སྐང་ལས་ manan kendra ཟང་ལྷེ་ ཞབས་བཅུག་ བྱོན་པོ་ ཨིན། གོན་རྒྱུང་ བྱས་ཐབས་ འདི་ཚུ་ དང་ གཡོག་འགན་ཅན་
སྲིད་གཞུང་ དོན་ སྲིད་སྟོན་ Narendra modi ཀི་ ལུ་བ་ན་ ཐབས་ འདེམ་ ལེན་པོ་ ཨིན། ཐབས་ འདི་ནེ་ གཞུང་གི་ འགོ་བརྗོད་ཚུ་,
རང་སྐྱོང་ལས་ལུངས་, དམངས་གཉེར་ ཁེ་ལན་ དང་ གཞན་ ལྷན་ཚོགས་ འདི་ཚུ་ན་ གཞུང་གི་ ལོངས་སྤྱོད་ འདི་ཚུ་ བེད་སྤྱོད་ ལེགས་
དང་ ལུ་མ་ སྤང་སྐྱོབས་ལོ་ གོང་འཕེལ་ གནང་ཤད་ དམིགས་ཡུལ་གི་ གནང་བོ་ ཨིན། སྐྱུ་ཞབས་ ཏྲ་མང་གི་ གསུང་བོ་ ཨིན་ ཞབས་བཅུག་

འགྲུ་མེ་ འབྲུང་ཁུངས་ འདི་ཚུའི་ སྤང་སྐྱོབས་ ཅིག་ཀྱི་ མ་ཕྱིས་བ་ འཕོད་བརྟེན་ ལོ་ ཡང་ ལེགས་ བཟོ་ཤང་ན་ སེམས་ཤུགས་ གནང་ཤང་ ཡིན་ ག་འདི་གི་ འཕོད་བརྟེན་ དང་ དགའ་སྦྱིད་ཅན་ འབྲས་ལྗོངས་ བཟོ་ཤང་ སྤུན་གཟིགས་ན་ གཡོག་འགན་ སྦྱིལ་ཤང་ ཡིན།

NCORD

རྒྱལ་ཁོང་ རྫོང་ཁག་གི་ ཕྱི་ལོ་ ༢༠༢༥ གི་ ཟླ་བོ་ བཞི་པའི་ བྱ་བུད་ བར་ སྤྱོད་མེས་ ཡང་ན་ narco མཐུན་འབྲེལ་ དང་ དུག་རྫས་ ལོག་སྤྱོད་ གི་ ཟླ་རེ་ དཔུང་ཞིབ་ ད་རིང་ རྫོང་ཁག་ ལས་འཛིན་ དབྱས་ཁང་ རབ་ལུན་ཚེ་ ན་ གཟུགས་མཐོང་ ད་རྒྱ་ ཐོག་ལས་ གནང་བོ་ ཡིན། རྩོས་བསྐྱུན་ འདི་མེ་ རྫོང་ཁག་ རྫོང་དཔོན་ བསྐྱུན་འཛིན་ རོ་རྗེ་ འབྲས་ལྗོངས་ མཚོག་གི་ གཙོ་འཛིན་ ན་ གནང་བོ་ ཡིན། ཁོང་ ཚོགས་པོ་ འདིའི་ རྫོང་ཁག་ གཙོ་འཛིན་ ཡང་ ཡིན།

Sikkim statehood

འབྲས་ལྗོངས་གི་ ཐོ་རང་ manan kendra སྐང་ཏོག་ན་ རང་གི་ མངའ་སྡེ་ ཐོན་བོའི་ དུས་སྟོན་ སྤང་བའི་ དོན་ ག་གིགས་ གནང་བཞིན་ ཡོད། འབྲས་ལྗོངས་ གཞུང་གི་ སྟན་གསན་ དང་ མི་སེར་ འབྲེལ་བ་ ལས་ལག་གི་ མི་དམངས་ལོ་ ཐོ་རང་ ཟུ་དུ་ དུས་ཚད་ ༡༡ ལས་ སྐང་ཏོག་གི་ mg marg ན་ མངའ་སྡེ་ ཐོན་བོའི་ དུས་སྟོན་ ཕྱི་ལོ་ ༢༠༢༥ གི་ ལོ་སྐབས་ན་ དུལ་ བཏབ་མན་ དགོས་པོའི་ དེབ་ བགོས་ཤང་ ལས་རིམ་ན་ མགོན་ཤོག་ ཕུལ་ཡོད། ལས་རིམ་ན་ ལས་ལག་ ཐོག་ལས་ བྱབ་སྐྱ་ གནང་ ཡོད་པའི་ རྫོང་ཅིག་ ལས་ ལྷག་གོ་ དེབ་ཚུ་ བགོས་ཤང་གི་ ལས་རིམ་ ཡོད།

Union minister

བྱང་ཤར་ ཕྱོགས་ ཡར་རྒྱས་ རྫོན་པོ་ jyotiraditya scindia གི་ རང་གི་ འབྲས་ལྗོངས་ གཟིགས་སྐྱོར་གི་ ཉིན་ གཉིས་པོ་ན་ འབྲས་ལྗོངས་གི་ རྣམ་ཅི་ན་ ཡོད་པའི་ temi tea garden གི་ གཟིགས་སྐྱོར་ གནང་བོ་ ཡིན། རྫོན་པོ་གི་ མངའ་སྡེ་གི་ ཅིག་ཅིག་ཀྱི་ ཇའི་ ལྷམ་ར་ན་ ཕུག་ལས་ གནང་མཁན་ཚུ་ མཉམ་པོ་ ཞལ་ གསུང་བོ་ གནང་བོ་ ཡིན། སྐུ་ཞབས་ scindia གི་ གཡོག་པོ་ཚུ་ མཉམ་པོ་ བལ་སྐྱད་ན་ ཞལ་གསུང་བཞིན་ ལྷམ་ར་ དུས་ཚད་ བཟང་ཤོག་ ཅིག་གི་ ཉམས་སྦྱོང་ ལན་བོ་ གནང་བོ་ ཡིན། ཁོང་གི་ མན་ནམ་ལ་ sky walk འདེམ་ ལག་ལེན་ ཐོན་བཞིན་ ཡོད་པའི་ ཡར་རྒྱས་ འཚར་གཞི་ འདི་ཚུ་གི་ ཡང་ གཟིགས་སྐྱོར་ མཉམ་པོ་ ཡར་རྒྱས་གི་ ཞིབ་དབུང་ གནང་བོ་ ཡིན། རྫོན་པོ་གི་ རྣམ་ཅི་ འགྲུལ་པོའི་ སོར་གཏེ་ དང་ ཏུམ་ཏེག་ དགོན་པོ་གི་ ཡང་ གཟིགས་སྐྱོར་ གནང་བོ་ ཡིན།